

„Hugo Gernsback - An Amazing Story“

De Papp vum moderne Genre vun der Science-Fiction-Literatur

VUM JEFF BADEN

Wien den Hugo Gernsback war, wouste wuel déi mannschte Leit, virum Vernissage vun der Ausstellung „An amazing story“ am „Centre national de littérature“ (CNL). D'Germaine Goetzinger, Directrice vum Haus, huet an hirem Usprooch drop higewisen, datt ë. a. den Hugo Award, e Lieserpräis, deen zënter 1953 all Joer un dat bescht Buch aus dem Beräich Science-Fiction-Literatur (an och Fantasy) vergi gëtt, nom Hugo Gernsback, dem Begrënner vum SF-Genre, benannt ass. Sou ass z. B och d'J. K. Rowling ënnert de Laureate mat hirem Harry Potter and the Goblet of Fire (2001).

Den Hugo Gernsback ass 1884 zu Lëtzebuerg gebuer an ass 1904 mat knapps 20 Joer an Amerika gaangen, wou hie sech als Geschäftsmann néiergelooss huet. Bekannt gouf hien als Erfinder, Bedriewer vu Radiostatiounen, Fervent vun der Televisioun, Auteur vu SF-Romaner, Editeur vu sëllegechen SF-Zäitschrëften a Publikatiounen iwwer Sexualerzëiung an awer och ganz besonnesch als een, dee versicht huet, mat sengen Forecasten déi technologesch Entwécklung virauszesoen. Weltbekannt ass seng Zäitschrëft Amazing stories, wouhier och den Titel vun der Ausstellung kennt.

Et waren d'Commissairë Paul Lesch, Ralph Letsch a Luc Henzig, déi als ausgewise Gernsback-Spezialisten, ënnerstëtzt vum Gérard Kraus, d'Ausstellung iwwert de Gernsback zum gréissten Deel mat hiren eegenen, räichhaltege Kollektiounen, zesummegehallt.

Technik fir eng besser Welt

A senger Presentatioun huet de Paul Lesch ganz besonnesch den Intérêt vun enger Ausstellung zu

Lëtzebuerg iwwert den Hugo Gernsback ervirgetrach an deem villsäitig interesséierten an international unerkannte Multitalent säi Liewen a Wierk am Detail illustréiert. De Gernsback war absolut fasziniéiert vun der Technik an iwwerzeugt, datt se zur Verbesserung vum mënschleche Liewe bäidroen kéint. Hien huet eng ganz Rei Predictiounen fir d'Zukunft gemaach a géllt ë. a. als spirituelle Papp vum Radar. Mat senger populärwëssen-

schaftleche Publikatiounen gongt et him ëm d'Edukation vum Lieser. Wichtig fir Lëtzebuerg ass, datt de Gernsback, deen a sengen éischten zwanzeg Liewensjoren am Grand-Duché sozialiséiert gouf, sech ëmmer als Lëtzebuurger gefillt huet, an dat och kloer zum Ausdruck bruecht huet. Dofir ass et ëmsou méi schued, datt eréischt zënter engem éischten Artikel vum Robert Stümper an der Lëtzebuurger Press (1963) d'Éffentlechkeet op hire

fréiere Kompatriot opmierksam gëtt, och wann hie schonn 1953 den Officier de la couronne de chêne krut.

Den Hugo Gernsback stierft 1967 zu New York City. Sech an enger Ausstellung zu Lëtzebuerg un den Hugo Gernsback z'erënnere ass fir de Paul Lesch sécherlech och Deel vun enger Tendenz, grouss Perséinlechkeeten, déi et am Ausland zu eppes bruecht hunn, ze reappropriéieren, mee fir de Riedner ass

dést awer ouni Weideres duerch dem Gernsback säi Wierken a ganz ënnerschiddlechen Domänen, säin internationalen Afloss, seng Perséinlechkeet a seng ganz besonnesch Bezéiung zu Lëtzebuerg absolut ze legitiméieren.

D'Ausstellung am CNL ass bis den 18. Mäerz vu méindes bis freides tëscht 10 an 18 Auer ze gesinn. De Katalog kascht 25 Euro.

■ www.cnl.public.lu



D'Commissairë Paul Lesch, Ralph Letsch a Luc Henzig, déi als ausgewise Gernsback-Spezialisten, ënnerstëtzt vum Gérard Kraus, d'Ausstellung iwwert de Gernsback zum gréissten Deel mat hiren eegenen, räichhaltege Kollektiounen, zesummegehallt.

Luc Henzig hunn, ënnerstëtzt vum Gérard Kraus, d'Ausstellung iwwert de Gernsback zum gréissten Deel mat hiren eegenen, räichhaltege Kollektiounen, zesummegehallt. Luc Henzig hunn, ënnerstëtzt vum Gérard Kraus, d'Ausstellung iwwert de Gernsback zum gréissten Deel mat hiren eegenen, räichhaltege Kollektiounen, zesummegehallt.

(FOTO: GERRY HUBERTY)